


10.90

WAXT

3
HİRÊ

Duri şine
nejdi amune
ç1 sayde minowes



T1 hata. ke
mi bore
tuyq bon qotiko res

H A S İ K T İ R !

Ortadoğu, siyasal olarak bölünüp (Arap, Kürt...) ve bağımlı hale getirilen (Türkiye, İran...) Avrupa, Asya ve Afrikayı birleştiren ve çıkar gereği, Kuzey Afrikaya doğru gelişen bölge olarak düşünölmelidir.

Ortadoğunun önemi, emperyalistlerin can damarı, petrol rezervlerinin 3/2 sine sahip olmasının yanı sıra, stratejik öneminden de ileri gelmektedir. Kara, hava ve özellikle deniz ulaşımı açısında ayrı bir öneme sahiptir.

Ortadoğunun önemli bir özelliği de, siyasal olarak kendi dinamikleri yerine, emperyalist güçlerin I. Paylaşım Savaşı sonucu (İngiltere, Fransa...) sunni ve bağımlı dengeler yaratarak bir çeşit sömürge sistemini oluşturmalarıdır. Dengesizliği ve bağımlılığı, dolayısıyla da sömürüyü sabit tuta bilmek için, sömürgeciler kendi uşaklarına da sömürü alanları verip (Kürdistan) , dengesizliği ve bağımlılığı adeta pekiştirmişlerdir.

Yine Ortadoğu, Filistin ve özellikle Kürt sorunlarının çözüm beklediği bir alandır.

Bunların yanı sıra özellikle yüzyılımızda, emperyalist öлкеlerin silah pazar ve deneme alanı olmuştur. ABD Emperyalizmi için bir karakol görevi gören, İsrail siyonistlerinin konumundan da olsa gerek, Araplar sürekli silahlanmış ve dolayısıyla petrol gelirlerinin, cebe konulandan geri kalan önemli bir bölümü batılı silah tücarlarına aktı, akıyor.

Yine Ortadoğu, parçalanmış, kokuşmuş tek tek Arap gericiliğinin yerine, insan hak ve hürriyetlerine saygılı, toplumların ve halkların hüviyetlerine saygılı demokratik Arap cumhuriyetlerinin (Cumhuriyeti) kurulması gereken bir bölgedir.

İşte Ortadoğuyu, dünya dengesi içinde bu kaba hatlarla ele almak lazım.

Irak'ın Kuveyt'i işgali ve ardından da ilhaki, başta ABD olmak üzere, tüm emperyalistlerin hıncıyla karşılandı. Sorun ilk etapda petrol kılıflı gösterildiyse de, daha sonra emperyalizm dışlerini gösterdi. Bu ise, Doğu Blokunun çöküşü ile birlikte, her ne kadar eski de olsa, ABD nin 'Yeni Dünya Düzeni' içinde üstleneceği jandarma rolünü açık ve net bir şekilde kanıtlamak isteğidir.

Saddam'a gelince: Saddam feodal, gerici, sömürgeci ve kişiliksiz bir diktatördür. Ve hiç bir yeri işgale hakkı yoktur.

Ya Arap kıralları? Bunlar Saddam dan mı iyiler?

Diyeceğimiz, söylemeye dilimiz tutmuyor ama, iki ucu da boklu değnek misali. Araplar - Saddam ve emperyalizm, sömürgeciler,

Bunların tümü bu bölgede toplanmış bulunmaktadırlar. Biz tümüne HA SİKTİR diyor, yazımızı noktalyoruz...

ÇIME DOMANANE VEŞANIYE

Ez pil biya
Wayire domane biya
Maa mı, roce mıra vaa
Ero buko, Eliye mı
Ma zaf çii dii
Zaf çii viyarna ra
Veşaniye diye
Çime ma
Belekiya usarira peray
Qır bime
Teşaniye diye
Tija amnani vera
Kerbela şime
Warway bime
Bıne lingane ma
Amnani kemerara
Teliyara zol biyene
Vıraniye diye
Serdara qurfiyene
Veyvıke newe bime
Axurade
Helme mal u dawaride
Kewtene ra
Ez tora çı vajine
Ma zulme dewleta
Hokmata dii
Deste goninare
Sare xo ronına
Xıraviya keside
Neguriyayme
Xore çı na ro
Xore çı waşt
Şarire ki o na ro
O waşt
Ma waşt ke
Tene roca sıpiye
Tene tija germine ki
Berzoro çareke ma

Eliye mı
Seke vaa
Ma kesire sare xo ronına
Şikime her çii xo vira bıkerime
Tedinera xem nekerime
Çi este
Nişkime xo vira bıkerime
Lace xore vajine
Çımane domanane veşaniye
Nişkime xo vira bıkerime
Çımane domanane veşaniye
Sare camerdane ma
Dave werte şaqaro
Herme ma kerdi ve ma vera
Sere koado, werte kemerade
Dest u paye ma gıredayi
Ma kerdime lal u qeri
Çıme domanane veşaniye
Heni gırse, heni gırse ke
İson terseno ke qayte cı kero
Çımane domanane veşaniye
Vile ma şıkıt
Per u paye ma
Permelnay ro
Ma viyarnayme ra
Kalane hedudura
Çımi Domani Veşaniye
Veşaniye Domani Çımi
Ero heyi heyi
Cigera mı heyi
Kesrete oncena
Qedaye lace xo bıceri
Hata keyi
Hata keyi

Z U R I

Merike biyo, zaf zuri kerde. Seke heni zaf zuri kerde ki, zaf neonto, zure xo vejiyero werte. Roce jüyede herişesipe nera vano: 'Ero lao, Heq adire to wedaro, tı ne meratane zura nezana bıkere, bee caverde. Zure to şone feteline, kes cire çevere ranıkeno, qefeline, serdara rıclıfine, peyniyede cerene ra tepiye ene kune çevere to. No niya nebena. Tı zanena ma ita koaderime, zımıstane ma, çıxa vana hini serde, nayeraki, nayera dime, eke damış nebena, viyaye xo kincane germına pırade, egale berze vile, qaputede germın serde pırade, kılaye şare şane, lapıka destke, puçane tıftıkına u potına lingeke, lekâna gırede, çogane bıdero dest raştke. O ini şono, dolımena neno nukuno çevere to. Ma tı sekena? Ne serde zımıstanide, ne koade, tı ne pızeze mı pırın u tumanra erzena teber, nevana kata şoro?'

TEW ŞİMA NEWE PEEHESİYE ! (*Tew şıma hona heşiyay pê*)

Bıra hete made jü biyo, kamke çı qese kerdo, çı vato, ceroro cı vato: 'Tew şıma newe peehesiyay! Mı ki va hela çiko? Ez naye zan, peehesiya, musa.' Niya niya kamke se vato, çı qese kerdo, eki vato, 'Tew şıma newe.....'

Roce germe amnanide, waxte vaşa ontene bena. Dı kamılı ki jübini-de xape şiye. Hem vaşane xo oncene ane kene lode, hemi ki xore mucıl bene. Qese enero ne mordemeki ser. Kamılo jü cerenoro e bini, vano: 'Bıra be ma na raya zurane ne bıcerime, riye ne dolıme siya-kerime, beka no ne zurane xo caverdo.' Ane xore pılane virazene, keyke raşte jubini amay, pılane xo anero ca.

Varaşana, ne hurmena kamılı u ne mordemekira werte loda de, raşte jubini bene. Tenete waşara, xızagara, arabanara, çeeane warıra qese kene, kamılo jü vano: 'Bıra bıra vane, Adanade dire roci nayera ave, çoke vare vara.' Mordemek erzınoro werte, vano: 'Tew şıma ki newe peehesiyayi, ez na çan' Kamılo bin damış nebena, cerenoro cı vano: 'Ero lao, tı herişe sıpiya. İni ne zurane xo caverde, no germe amnanide ma ita welate xode pocime. Zımıstanike made bejne vare varena, onciya pıške vare neerzena Adana. Ero no germde, na Adanade se vare bıvaro? Ane qese xo, ita ser bıcime, waa vındero. Reyna çıye berero goşane ma, ini tı zana sebena!'

Å rocera tepiye dewuji nezanake ne mordemekire sebiyo!

-Ez vajine ke endi dawa herişesıpeyeni keno...

QÊSÊ KAMILU

Çiçege rındi, aşeo çetınra royene.
Qulke buwazo, ko demdano.
Ma nun u sola jubini werda.
Derd ke bi, dermane xo ki esto.
Golike xo mede gaye şari.
Ko çixake berzbo, roce linga mordemi ginenaro ci.
Feke xo qena xora pet bıce.
Tel u derzini vere dukani çarno ra.
Bare ma, ma serao
Her şoro koti bare xo pısti serao.
Kerdox xelesiyo, nekerdox nexeleşiyo.
Linga xo qase cıla xo dergke.
Maa mordemi tımtım lac niana.
Adırıra pıren nebena.
İsoni sito kal lito.
Axwe sona kum maneno.
Pere qılere destio.
Çü be camerd, camerd be pısti nebena.
Sayeke darera biye, herkes çüye xo erzeno pa, çüye kamirake ame.
Lingi pizi çarnene.
Axwa merdiyera bitırse.
Ebe dore nebena zore.
Dina kesire mal nebena.
Asın weno, paxır pır keno.
Aqılo şıvık, baro gıran.
Çiye na dina na dinade maneno.
Pıreno peen, ceve xo çine.
Feke şari peleke niya bıcere.
Ri, rira şermaino.
Qesa raşte pere nekena.
Poşmaniye pere nekena.
Diko ke be waxt veng dano, sare xo beno.
Kemere gırana caye xode.
Hele ho, hele ho.
Aqıl serade niyo, saredero.
Kare waxti, paşaye texti.
Eve ju gule usar neno.
Pevniya sebri sılametiya.
Kete dızdu taride yene.
Çıme korire roşti newajına.
Aqıl aqılı sera, dest desti sera.
Ye şıma dece sariyo.

Ga ke gına waro, kardi bene zof - deyra.
Bebext, bebextiede sono.
Waxtcaquçe isonio, vırazeno anoro cı.
Hard ve asmenira çutur keçera nebene, dı goiliki heni cera nebene.
Pelge ke kewte axwe ser, axwe bena.
Her ke hero, jü raye gıneno çamurero - axwero.
Leyre mori be axwi nebena.
Feqireni merdenera zora.
Çiçege baxçi je çiçegune koi niye, hama qulira nejdiye.
Dik ha wengdo, ha nedo, roze onciya bena newe.
Sonde igrar u iman, sodır toz u duman.
Sindore Heqi çine.
Fekoke musa zura, qenake muse tiza raero cı nebena.
Feke kutikira dere neheremino.
Qimete zerni birino, qimete kıtavi nebirino.
Çıxake rae duribo, gama vırenede bena kılme.
Rindeni ke bikere xore, xırabeni ke bikere xore.
Rındie ki xırabie ki ye na dinae.
Eve pers, mordem dinara beno tever.
Axwe vındena dısmen nevındeno.
Boliye darera gına waro vato, eeh na dare çıxa qewçıla.
Goşt nenıgra cera nebena.
Dışmeno hewl, doste kotira rındo.
Çiyoke verd ra, era dıme mekuye.
Çevere hokmatı çevero çamo, qulve zulmo, Heqve ramo.
Kerme dari, darira beno.
Qesa raşte dajnena.
Peyniya karide, aqıl dawaxi deyrae.
Aşıqe herkesira vana axa, hama axae xo naskena.
Dost bena sah, dısmen beno kor.
Feko weş mori lonera vezeno.
Fek vano, ri sermaino.
Merdene ke nebo, qimete dina neoseno.
Çiyoke qul zaneno ey qese bikero, reyna nezaneno ke çı qese bikero.
Hurendiya xode mevınde, hedi hedi lalewıie.
Eve dı gosı mehesne, eve zu cımi bivine.
Eve deste xo bıke, eve sare xo bonce.
Her çı koka xo ser royeno.
Aje terniyede namına dı.
Vızıke çıê niya, zere isoni fina were.
Kengerira vato, çee to kuyo? Vato, vaa zaneno.
Çee xo, vaai verdero.

İson sed sere kokım nebena, derdune hazar sere xode beno.
Dirvete isone rındi xoriye.
Dewake osena, qılawuz newazena.
Sar hero, maa ze mao.
Heri dinade zofe, peru zu cade niye.
Miye linga xora, bize linga xora darde bena.
Miye ve lingo xo, bize ve linga xo.
Ma heroz heroz nesome meymaniye, nun u toroq neweme.
Herkes düşte xora - qase xo.
İson xete u gunane xo, eve çime hevale xo veneno.
Axweke verdiye de, are nebena.
Heqa ma u pi ewladira, heqa ewladi ma u pira persina.
Cewe heri zede amo.
Ciye xode moreki diye.
Çı bıkere e ki venena.
Venge dowuli durira wes yeno.
Waa name isoni mevejiyo, cane isoni bıvejiyo.
Kutık goşte kutıki neweno.
Korira vato tore çı lazımo? Vato jü çım, ha tore dı çımi.
Koro mırode to çıko? Vato, dina roşti.
Hewno merde dışmeno.
Goni axwe nebena.
Çıyoke newezino bıdario weh, o çı rınd dardo weh.
Axwe kora, merez zerede nevındeno.
Çıme quli ke bi züaa, dere ki bene züaa.
Heq u neheqe jü çeverra kune zere.
Hatani zerqe sodiri sero vındena. momıye de xo eracıfiye.
Rae ve havalu qedina.
Mordemo bom, çıyoke neno kerdene keno, baqıl tey niadano.
Ver u peynia her çı raştiya.
Riye isoni roştide, xuya isoni taride kıwşbena.
Raşte şona çê Heqi.
Qanqole axwe sera kaikena.
Uyoke gıle beçıkane xo ser fetelino, hona linga xore ca nedio.
Tae axwe kene qıların, tae mosu cene.
Ewlad zerdıko, torn dendıka.
Sıfre mordemi ke hard de bi, meymane mordemi hazıre.
Cata cata camerdu ke ame, dake lace xo naskena.
Barut ve adırıra jü cade nebena.
Domanoke nebervo, cıre cızık çino.
Saro weş paçıka nevazeno.
Sare xuyo weş paçıka mevılesne pıro.

Aspar meso teyna kuna, pia meso peyra kuna.
Alimi xo vira kerdo, qeleme xo vira nekerdo.
Qayte mayeke çena bice.
Sarede vaje züyo, qenede vaje züyo.
Şeri, şere. Çı may, çı neri.
Xo bızane, sar to bızano.
Namus texto zerneno, sare her kesi sera niyo.
İson mireneno name xo mameno.
Jüye xexi kemere eşta quye, çewres baqlı neveta.
Canke nevejıyo, maliki nevejına.
Her çı zono wenca buro.
Emanetiyere xaineni nebena.
Camerdo xırt, rıske xo kemerera vejeno.
Heqe ciranie gıranı.
Çee, ceniye kena şen
Hayra ke ame, huyra sono.
Hay u huyra, teq u tıra, ma vejiaime qulenira.
Derjini xora cine, hona goçini sarıro cine.
Vere coy derjini xodeke, goçeni hona sarı deke.
Uyo ke wazene ree rie xo beno şia, uyo ke nedano dı rey.
Verg zurenı, kewran raa xora sono.
Mekine ginena pıro.
Kam ke kınıt, peyniede o gineno pıro.
Kes nevano, doe mı tırso.
Qave axwe, raa axwera sıkino.
Kote zerarira racere, honde kara.
Qurr, gosareke gose xo ke.
Mordem ke gına waro, kes dest cı neerzeno.
Cane heri ke zon da, ostore hewlira zede xıldano.
Ciye bine vore, rew bo, here bo vejino.
Ciye xo, eve vore mınene teh.
Çewt ronise, rast qese bıke,
Deste xo sana ro, çıme xo vet.
Eve qocıke da are, eve kundez kerd vıla.
Geme ve zu dare kem nebena.
Vıreniye bıce ke, peynie bero.
Kardi sanıte ve aste.
Marifete heri zırıso.
Qul dısmene Heqio.
Hevalu de sono, kutudu de yeno.
Pir ke ame, koçeki ki yeno.
Werte made dara Elia.

Kelpık şio derde kemerire bervo, vato: Bıra nıka vore ve siliera
vorai, tı sekena? Kemerı ki xore pee huyo.
Ma u pi, zu rae yene dina.
Kutık nelaweno waire xo.
Desu tora van, veyve bıce xo ser - fam bıke.
Çena mı tora van, veyve bıce xo ser.
Kutık payna kutıki nedano.
Turike zura tımi qulkıno - qulekerdo.
Bebextiye kare camerdu nia.
Dele ke biye quzxın, kutiki Helev ra yene.
Dele ke qızdane biye, kuti ki bene deyrai.
Kotide bario, ucade bıvısiö .
Ko, koi nereseno, mordem, reseno mordemi.
Ko neno lewe mordemi, mordem sono lewe koi.
Merdene kare camerduna.
Merdime pia, vındime pia.
Vake tiz kami kerd? Vake be ma u be pi kerd.
Hard milo, Heq pilo.
Hard milo, asmen eyra pilo.
Emre Heqi jüyo.
Dilopera - Dilopara biye sılopa.
Waire hard u asmeni jüyo.
E şıma sare deco.
Seke mostira muye oncene.
Virendia goli ke rakare, gol beno züaa.
Kemero rıştım enoro zon.
Aqıle xo nun u toroq de werdo.
Virenio peynia xo bızane.
Qesa cüanıke.
Ucax be korvo, zuri eve pera niye.
Peynia werdene tiz u fıse.
No bırae merdene nio, bırae werdeno.
Bırae werdene deyrae, bırae merdene çine.
Cero cukuye, corde vajie.
Qeso gıran, qedro gıran.
Bebextiêke esta nuna potiya, kuna çevere şıma ki.
Pizo mırd, hale pize vesani nezano.
Sire benamusi newen, koreke xo wen.
Korek destra nırışino.
Hatani kemera qıce merze kemera pile ver, kemera pile nevındena.
Ne sıfre xanadana xelesino, ne vere isona dırino.
Henı kerdo ke, kerdo ze aspıca potiye.
Zerne xo ne, ciye şari goynene.

To tesan benu axwe ano.
Verg de wene, qılançıka de qısnene.
Hard weno, asmen puf keno.
Pir ke ame, koçeki ki teyro.
Hard husko, asmen durio.
Bava sono cenet, guna neverdana.
Cane bavai cenet wazeno, guna neverdana.
Şar zoneno ke sımade tawa çino.
Made soe şirini doz kerde.
Jiare ke jiara, jü rae mırode isoni kena.
Kitiki lawene, meymani raa xora sone.
Teyro qız, tım hewnane gırsu vineno.
Den ve daene, raeve şiene qedina.
Şewe jüya, dızd hazaro.
Qale kutiki ke kerd, gere uşıra to lewe tode bo.
Nano mıloçıke meane nedazneno.
Heq kesi sas mekerö, sas keno ki kas mekerö.
Zern bine hardi de hazar sere maneno, oncia zerno.
Awa ke no keno kes nekeno.
Qeda nevano ez yeno.
Xısmekare çee xuyo, axae teverio.
Mordem eve torjen ree mıreno, eve qese heroz mıreno.
Bine keware ke gına pıro, usar eno.
Kut'kare çarıxi lazım niye.
Ebe astane mordemi axwe wene.
Çiane henena qese kene ke, nequne aqıle heri.
Goxı ke duri weşe.
Hard suro, asmen duro.
Ezra şare teveri kui, dinare ben tever.
Guke çei, gae çeira neterseno.
Ete, to qe lac u çene niardi? Mı laci ardi delevurga berdi,
mı çene ardi vega berdi.
Tize veyvıke eşkerao.
Çena sêe nuna potia.
Adır koti kuyo uca veşeno.
Şar peşera, ma zerera veşeme.
Qıda nevano ez yeno.
Caye dırvete beno weş, ceye qesu weş nebeno.
Kerdana to, tore kare nemamena.
Pie vile çewti Heqo.
To vana ke ebe cie kutiki goji kerdo.
To vana ke site qılançıke goji kerdo.

No rie mîno şa, rie tûyo sîpe.
Adîro gur, peyniede zur.
Desto çep, deste rasti şûno.
Miye deyma, kutikide nezewejia.
Miye,deyme kutik negureto.
Aqîl ve pere necerino.
Aqîl, pil u qîçi nasnekeno.
Je aşîqu kote tewerte.
Are, eve axwa ontene neçerexino.
Bone zurekeri veşo, kesi inam nekerdo.
Bîza gerine werte malira veje.
Camate dî bîrau nebena.
Çolo tol xo sero nevîndeno.
Jûe Samra vane, jûe Helev ra vane.
Sam de dano pîro, Helev de vejino.
Hot mîlîji reşte pee, jû her bar nekerdo.
Hurenda mordeme xîrti, daima berza - kîvşa.
To çî ci deste mîde kerd, ez'ki rie tora kiri.
Ha boro, ha boro. Çîme xo veşano.
Vere xo mîrdo, çîme xo veşano.
Desu raşt, nerîcino.
Eve jû dest,dî qerpuzi necerine.
Dîşmeno xîrt des qate doste xainio.
Çîxa ke dîşmeno, heqa mordemeki .esta.
Hengure, hengure de niadana bena şae.
Ewlado be xer çînebo dai rîndo.
Çî wazena,xer buwaze.
Mordemoke male xore wair nevejino, cane xore ki nevejino.
Nezanaene ayîv nio, nemusaene ayîvo.
Bojioke camerdu cîra kerd. nedeceno.
Eke bîkişe, çîlke goni cîra nena.
Qatîra xîrte, aze xo neresnena.
Ostoro xîrt, zengu xo nîdano.
Kutîk jiare nas nekeno.
Sata tenge de dost u dîşmen kîvş nio.
Dîşmene xo, xora qîz mece.
Vîrendiye raverde, avsar serde kere.
Tore leeço, mara nevejino.
Raverde kolîx şero.
Vaxo şero, vile bîn'rabo.
Mor ke moro, pîrene xo dîrnenno.
Kemera mordeme feqîri peyra yena.

Quloke şî sayd, nevano ez nawa itarne.

Pola to cena na dina darera kas kena, to ki mîdara mîde nia.

Kam ke vaa kîre mî xiyaro, sole cene wazene.

Dare darede niadana, bena kewie.

Fam ke nevo, quliki heywano.

Kam ke dewa gurene, servere xo berz giredano.

Heq tora nezer durfio.

To ne kîre boxia, ne ki kîse mangawa.

To xore zovina kar bivine, tî made nire neoncena.

Tî xore zovina kar bivine, tî camerdude cite nekena.

Gao amal cite da kıvşo.

Sar hese biri keno kedi, ma uzme xo nevejime.

Herira vato veyve de to wazene, vato: Ya axwa ya kolie.

Pisingera vato, ciye to dermano, wele kerdara ser.

To vana more bine simelo.

Zimistan ke ame bine lingune xo bilese.

Doman ke domano ree deste xo nano adırıra.

Deri şine nejdi amune, çî sayide mino weş. To hatan ke mî bore tuyo bena qotıko res.

Qarnaşio qotık bero vere velike tore.

Çele zimistani tore nan ro.

Mordemo tol qesune wesu keno.

Vergi vato ez xo pee zu qırşide dano wee, na dime mino rep ke nevo.

Kîre de ki, mare darino wee.

Hen ke lerze keno, tî vana esker dımaro.

Heni lerze meke, esker to dime nio.

To vana sarave pırça weno.

Bar ke baro, gırs çıko, qız çıko?

Kemere ke este gole pılk vana.

Mordemo rınd, astare xo bereqino.

Eve kunez dengız kem nebena.

Eve qoçıke dano, eve kunez ceno.

Kerciki herira vato, to cena erzena bine lingune xo.

Merdire çî cıke, merde çî sekeno?

Merdire çî, weşire çî lazımo.

Ero meiti mekuye, tizu keno.

Ospor sono pae yeno.

Saye merdu saye merdu, ez merdu ve hire derdu, ilam derde sere derdu.

Çıxake dışmeno sata tengede lazımo beno.

Çıxake kiseno meit werte de neverdano, tene wele kenora ser.

Henke rema xo dime nia neda.

Cao berz ya axaio.

Mordeme xaişira bitırse.

Pere bio tunc, milet bio pinc.
Coka vane wereza ve darve xalio.
Xal ve darva werezaio.
Reeke mird vi, vesanenira xo viri niano.
Pize xo ke bi mird, vano reyna vesan nebenu.
Kes, ustina Silemanie nebenu.
Veyviker a vane bireqesie vana, cae mı tengo. Cire ca kene hira
vana, fiştane mı tengo.
Ha vaje ha vase, kire bine xore vase.
Kori weşira vato, nande ae çime tuye kori.
Heri mılloçikera vato, nande to, aeki vato, ca bivine vase.
Çeneke vana: Ye mı ya vilikçio, ya ki dawulçio.
Kutiko ke dizone xo asai, eyra meterse.
Gaye mı gaye mı xayneni meke, zımıston ke ame, tore simer mire
nun lazımo. O waxt ya tı fek erzenaro ye mı, ya ez fek erzenaro
ye to.
Mesa kore çee xora wena.
Voreko hewl kozde bellio.
Merdene ke merdena, xıre xıre çı kire mına.
Verg şer keno roza dumane.
Ko berzo, asmeni ki eyra berzo.
Kerge axwe wena, xo sero Heq'de niadana.
Dele ke dime xo roşano, kutiki bene deyrai.
Menga kelaze, boxu vera.
İson ke merd, hona bervene.
Hard ve gosunu.
Gose biri este.
Uyo ke nekerd nezano, uyo ke kerd zono.
Uyo ke nezano, nekerda.
Kutikira dost - haval nebenu.
Tı vana kutikode çılpeno.
İson ke çı ramıt ey çineno.
Va de rameno, pukeleked e çineno.
Va rameno, pukeleke çineno.
Veyvike vato ez ke na pizera xelesine, ci kenu feke pie merdi.
Niade, çıtur raa ceneti zona.
İson ke şı, siya xode niadano.
Awres ke xeleşiya ra koo sono.
Hata bıker o ke, kesıke sona dare ser.
Eve wozdayene ison nexelesino ra.
Lazo xırt acara vano ez nawa.
Ne ye pırodayeno, ne ye wozdayeno.
Ne şikino ke pırodo, ne sikino ke wozdó.

Je kutiki peye çeverura zugur kene - zugurtine.
Axwe sona çaxıl maneno.
Aşera berz çengelo.
Ma ke kamira va bao, vano, herc xire mı nao.
Ha vaze ha vaze, tı vana kolio.
Vaze vaze daro husko.
Pošta gemera gırsagu bınene.
Vade luye biyo tamam, şiya tašta gavançi werda.
Kutıkoke ron boro, sanıke vere çımiyara.
Bıza ke ayre şıye verg weno.
Bıza arnoge boka vergia.
Ulle, bille, hard, asmen.
Noleti şero domora bozuxe.
İson çıko çınae xono, cao xırtra bızewejio.
Talike nevo, her çi boro.
Tiz, be ma u be pio.
Qatıro ke hingo, cıra duri vınde.
Mal ke be şüane bi, vergi deyrae.
Meyman ke ame qılançıke qıştnena.
Du remeno, locınera sono.
Tı vana, bıjeko be waxto.
Qusıre mordemi ke bi, sono beno paa.
Derjen ve qına xo, goçen ve qına xo.
To ke sıma, ez dımne.
Çee mordeme zurekeri çino.
Zur acara vano, ez naune.
To doman nia ke, tora vaji aferın.
Tuh, tuh, tuh, noleti sororo domora xıravıne.
Moria hewle, tolıkede bellia.
Pısinge ke şıye, dewran kuno meri.
Nero ez ita vındenu , heroz qırvanu keno.
Qeda yeno aşera sono, kuno vırendiye ano.
Çıko kuno tora? Tusko, laze bıze.
Vore ki sıpia, qul cie xo sero keno.
Heq,isoni raste zuye ramani kero.
Kare mordeme zanaoxi başqaro.
Ma ke dest nave zuminira, dake laze xo nas kena.
Ma ke dest est zumini, mawa hete zu bervena.
Vırendiye verde ra, hata dere ci.
Nezonayeni xıravına.
Ere ere serva anawo.
Ez ki vano henio.

Her teyr ve zone xo waneno.
Ma vame goga, onciya vono gova.
Tuşt tuşt, Sile Memi guke xo soleş kerdo.
Kavek erzeno, soxun peresie berseno.
Fırset ke dest kuyo, isoni nal keno.
Çıxa ke bihuye, honde ki bervena.
Dano to Ali Wali, bızone qedre Eli.
Zu çikra, dina vesena.
To vana reça xo je reça awreşiya.
Heq, çixire mordemi çewt mekero.
Gosra mine, çixire deyra meso.
To vana, reça kuji fetelneno.
Tay tay tay, manga ve gawa.
Boxe xami erzene ververe gae amali.
Sare ke kundire vi, lese se bikero?
Lesa girse pısa.
Mordemo her, sayde mordeme boqlıo.
Berzra meso, alçax kuna.
Honde ki xo berz mece.
Ez van ga nıamo, a şia derde voreki gureto.
Zarancera pers kene, na linge to ça sure? Vana, vorerao. Mı tı
siatiede ki diya.
Qul dıřmene Xızırıo.
Mordemo xayın, her cade xayino.
Mae laze xo daima nas kena.
Awres kora heredio, xevera koi çina.
Ez van hes nao, a vana reçe nawa.
Hes ke heso, reçe se kena?
Hewne wari weş yeno.
Mordemo kose seytano.
Heq ma şere cinıka arsızera wedaro.
Cinıkake posawa, Heq mara duri bero.
Namus bazar de nio.
Ma tawa beçıka xo boe kerda ke...
Ververe zaw u jeki meve.
Xo virane zaw u zeçi meke

Peyniê esta

Q A Y D ve U Ş E N

EZ VE NAJNIÊ

Ez tore ki meymanu
Desto ho bide lew pani
Tora ki qese vaji
Rindena to buwaji

Ez amune na çe to
Run toraqe to wenu
Hemgene to ki wenu
Doe to ki tom kenu
Hal waxte to pers kenu

Hal yamano yamano
Dorme ma mız dumano
Dısme' mare dost nio
Doste ma ki belli nio

Bere perü zu vime
Dostune ho ki sah kerime
Dısmeni bıqarnime
Rie yinu ki şa kerime

Ez amune na çe to
Run toraqe to wenu
Mıre jafeti poze
Doe to ki simenu

Ez vesanu ax najni
Raa mı ki zof duri
Geste zere mı kay keno
Deste ho bide lew pani
Run toraqe to bori

To se vana mı qeda
Najnie qedaye to cena
Be zere de na ronise
Tore jafet pozena
Ape to ki ke ame
Tore na sogus kenu

Najnie belaye to cena
Ho rind mirdke mı qeda
To hona ki na xorta
To mare zof lozuma
Ma zof roze çetın di ke
Ho bipie mı qeda

Na qese mı gose ho ke
To ho vira na meke
Kutgu de dosten meke
Yi ki na dısmene ke

Najni vaji tore
Nebene dost yinure
Gonya ma ki yi wene
Vergi bıraye kutgune
Kutgura dost nebene

Zone ho qese bıke
Zane to ayıv nio ke
Uyo ke vane ayıvo
Haq vo zof cailo ke

Deste xo bide lew pani
Tora xatır buwaji
Belka reyna ez ninu
Ez tora na se vaji

Q A Y D

Erere Oli kena
Ez ke yeno dewa sîma
Dafîle dalîle
Xo terapîse
Be vera mî bîfetelîe
Oli adîre gôyîli wedaro
Rînda mî
To ez kerda Kerem
Tî mîre bia Xanaslîe

Lao Oli kena
Cade Îtara yeno sono
Çîxase yena sona
Çîye maneke
Lînga xora çe ma fiye

Lao dewa made veyvo
Xo terapîse de lao de lao
Pişkîra sure xo destke
Era govende ver kuye

Mî va Heq mîrode mî keno
Sere warede tî bena cirana mî
Mî kerd ne kerd ne bî
Heq ano were usar yeno
Roo mîra ne sono
Deste to cen
Kume werte velgu vasu
Pîa some sere kou

Tew vaje tew vaje tew lao
De kivar de gîran gîran
Ere lewe tuyo mî destra
Rîndeka mî
Emîno werte çîmura
Lao to xo sas kerdo
Ça kîlamane henenu vana
Ez vaji tî şîya werte serura

Goyîlo goyîlo onder goyîlo zoro
Mî va dînya dînya dînya
De tî dînyeka mîna
Oli adîre to wedaro
Mî nezana ke tî mîde nîna

Z E R F E T İ

Jüyo Tırk, lace xo erzeno pesa Kırmance, tey beno kewra. Werten ra ke tene waxt vereno ra, lace xö ruşneno çe kewraye xo. Layık dire roci çe kewraye xo de maneno. Cıre xısmete u azate kene, xelata dane cı, peyser şono çe.

Layık ke şono çe, maye cıra pers kena, vana: 'Kewrayane to senene, xısmete u azeta rinde tore kerde, şıma se kerd, se ne kerd, çı werd, çı ard?' Layık vano: 'Bize bir yemek yaptılar kabı ile birlikte yedik!' Maye vana: 'Çı nun bi?' Layık vano: 'Nezan.' Maye name nunane ke zanena cıre morena, layık vano: 'Ne, niyo, nebi.' Peyniyede teseliya xo kena, zana ke name ne nuni, ne layıkira nemusena.

Wertera waxte de bin ke şono, kewra o Kırmanc be, cenıya xora sone çe kewraye xuye Tırki. Nişene ro, hal - kefe jubini pers kene nekene, kewraya Tırke damış nebena, pers kena: 'Kewra Heq kena şıma no sene nuno poto ke, kewraye to vano, ma teba qabıra werd?' Kewraya Kırmance erzina werte, vana: 'Esmo piya pocime, teba qabıra burime, vane çı ?' Sande zerfetiya xo pocene.

Ane pero piya, teba çikonikira wene xelesnene. Kewraye vana: 'Kewra to di, sar ke nune xo poceno, wes bo, bine qabi lesene. Ma nune xuye weşi teba qabıra weme.'

B O X E Ç O R E X A M İ

Roce der u cıran ene peser, xore mucıl bene. Beno san waxte şami eno. Wayıra çeyi zerfetiye de zınare vejena ana. Cuyamerdi zerfetiya xo vejene kene hazır, pero piya ene sıfırı ser.

Teneke wene, o ju qayt keno ke, xonçıke heto ju ser mela, ron kuli o hetede biyo gol. Wazano ke ron biyaro hete xo. Hama se? Qese e qese keno, vano: 'Bıra ne baxeçere mı, mı esmer se kerd ke, nekewtene bine niri, Mıra, dinara, axrı ke peyniye de mı pe goşi guret...' deste xo erzenoro çikonike zerfeti, 'Niya kas kerd...' Zerfetiya xo tey çerexneno, ron ano xo ver. 'Nire naro vile, kılameyi sero gıredayi, nata - bota ardi berdi, axrı tene xesimenıra veti.' Zerfeti se ke heni çerexna, pee gureta. Desto bin erzecı ke pariye bicero, lac vano: 'Ba o e niri vile boxeçora sera rone, vile xo cı mesano.'

H o r e W e s B o r e

Halvoze esto, gegane ke zerfeti pote, some ser, vano: 'Bore bore, Haq kena xore bore!'

	1	2	3	4	5	6	7	8
1								■
2						■		
3					■			
4		■				■	■	
5			■			■		
6								
7	■			■				

B I V I N E

1-Çepira hete raşt ser

1-Qule aşira xırte.

2-Name de hermete. Çepki: Emire saene.

3-Kırşi dane cı hen vane. Werde sıpedi-sodiri.

4-Taxe

5-Çepki: Vinit. Çepki: Can.

Merde mae re vane.

6-Atee Tırkura mada gegane hen vane.

7-Venge manga. Pencero qız.

Corra cer

1-Name welatede xırti. 2-Çepki: Naskerdoxdane. Kutık saneno ro.

3-Wendo zoneno. Lete susu. 4-Çepki: Kutiki perene to.

5-A nia. Çepki: Cekuye doxani. 6- Lete kuku. 7-Çepki: Taye cade

tijira hen vane. Çepki: Werdena kutiki. 8- Qule teverira va.

Ez sono belka ninu

Onca simara vanu

Nu qese mino paeno

Mılıseni mekere

Mekere ax mekere

Xayneni mekere

Ez ke berdne bervai

Mı dime amai

Dı ser u nem zerede vi

Birazay niamayi

Werezay niamayi

Mekere ax mekere

Xayneni mekere

Mılıseni ax mekere

Mare dı roz waxt beso

Zof zoru nevinenu

Zonu ke yi tol niye

Birazay tol niye

Werezay tol niye

Mekere ax mekere

Xayneni mekere

Mılıseni mekere.

QAYD

10.90

WAXT

3
HÎRÊ

AX XARPETO

Ax Xarpeto wax Xarpeto
Xarpet Xarpet Xarpeto
Seyit Rıza esto dare
Xarpet mare be mîrodo

Ez vanu vanu vanu
Serva Fındıq axay vanu
İbrahim e Ali vana
Werte Dersim de sevkanu

Ax Xarpeto wax Xarpeto
Cae na xeribunu
'Xeriv Mezarlıxı' vane
Peru yi na DERSİMuno

Ax Xarpeto wax Xarpeto
Xarpetra dot kebano
Ma kerdimeve top berdime
To vana goç u fermanu

Nawa ke naynu ma kerda
Dina alem nezonenu
Nawa ke naynu ma kerda
Noz Haq naynure verdanu?

QAYD